

Mál nr. 204/2013
M og
Vátryggingafélagið V-1 v. A og
Vátryggingafélagið V-2 v. B

Árekstur á bifreiðastæði við Laugardalshöll þ. 10.3.2013.

Gögn.

1. Málskot móttengið þ.31.5.2013 ásamt fylgiskjölum 1-3
2. Bréf V-2 dags. 19.6.2013 ásamt fylgiskjölum 1-2
3. Bréf V-1 dags. 26.7.2013 ásamt fylgiskjölum 1-2

Málsatvik.

Árekstur varð á bifreiðastæði aftan við Laugardalshöll. Bifreiðunum var ekið eftir bifreiðastæðunum þar sem bifreiðum var lagt báðum megin við akstursleiðirnar. Ökumaður A segist hafa orðið var við B sem ekið var úr gagnstæðri átt í vinstri beygju og í veg fyrir A. Ökumaður A segist hafa stöðvað og flautað til að vara ökumann B við en það ekki dugað og árekstur orðið. Ökumaður B segist hafa ekið í vinstri beygju í miklum þrengingum á bifreiðastæðinu og ekki séð A fyrir en árekstur varð.

Álit.

Ökumaður B merkir við tl. nr. 4 og 13 á framhlið tjónstilkynningar sem báðir ökumenn undirrita þ.e. að hann hafi ekið út frá bílastæði og beygt til vinstri. Þá segist ökumaður B ekki hafa séð til ferða A fyrir en árekstur varð. Af gögnum málsins virtum verður því ekki annað ráðið en að ökumaður B hafi ekið á A kyrrstæða og ekki gætt nægjanlega að aðstæðum við aksturinn. Ökumaður B ber því alla sök.

Niðurstaða.

Ökumaður B ber alla sök.

Reykjavík 13.8.2013.

Þóra Hallgrímsdóttir hdl.

Valgeir Pálsson hrl.

Jón Magnússon hrl.